

آبونه سرائطی

ممالك عثمانیه ده سنه لکی (۶۵) ، آلتی
آیلغی (۲۵) غروشدور .
ممالك اجنبیه ده سنه لکی (۱۷) ، آلتی
آیلغی (۹) فرانقندر .

اداره خانه

باب عالی جاده ستده دائرة مخصوصه

افطارات

آبونه بدلی یشیندر .

§

مسئله معارف آثار مع الممنونیه قبول
اولنور . درج ابدله یں یازیلر اعاده
اولونماز .

الکشاف

۱۳۳۰

دینی ، فلسفی ، علمی ، ادبی هفته لک مجموعه اسلامیه در .

صاحب و مدیر مسئول

اشرف ادیب

باش محرر

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

افطارات

رساله مزهدن آلتدیغی کوسترملک شرطیه
یتون یازیلر هر هانکی برغته طرفندن
اقتباس اولونه ییلیر .

§

مکتوبلرک ، امضالری واضح و اوقوناقلی
اولسی . و آبونه صره نومروسنی محتوی
بولونمسی لازمدر .

§

ممالك اجنبیه ایچون آبونه اولانلرک
آدرس لرینک فرانسزجه ده یازلمسی رجا
اولنور .

§

پایه کوندرلدیکی زمان نه یه دائرا اولدیغنک
واضحاً ییلدیلمسی رجا اولنور .

جلد ۱۳

۳۰ تشرین اول ۱۳۳۰

پنجشنبه

۲۴ ذی الحجه ۱۳۳۲

عدد ۶۱۳

ملیه و نعمات موروته بی کوکندن سوپوریور . و مسلمانلری خرسیتیانلرک
ایجاد کرده بی اولان یکی نظریه ملعونه اسیری ایدیور . اونلری که خرسیتیانلق
مدنیت عالییه سی (۱) تعمیم ایتک اوغرنده اک مهاک سلاحرلی استعمال ایتکدر .
بوسلاحرلر ایسه یوقاریده بیدیکزکی زهرلی کتولدرکه آتک واسطه سیله اک
یوکسک فسیلتر ، اک باند اخلاقلر . اک سوکیلی عادتلر ، اک سرعی عنعنلر
محو اولیور .

ایشته انکلترونک ، انکلترونه مدنیت خرسیتیانیه سیک شرفیلری
حیوانلشدیرمق ایچون انخاذا ایندیکی خط حرکت شرفک سر طرفنده
کال فعالیته تطبیق اولیور . و اوقائل زهرلرک جانخراش تاثیریه
مسلمانلری تدنیدن تدنی به اوغرائیورلر . وجود اسلام ایچون ساری
علندن بشقه برشی اولمیان بوجور وک ، بوزوق عضولره تلقیح اولونان
ورذائل مدنیه تاثیریه بوتون اولملرک دین عشقی ، وطن سوکیسی کی
فضائل عنعنویه دن فصل تجرد ایتدیکلرینی ؛ دینلرینی ، وطنلرینی ترک
ایتدکن صوکرده نقدر قابا بر اوروبا مالی اولدقلرینی ؛ او مدنیت
سفیله نک بتون قبایحی ایله فصل سوسلندکلرینی کورریورز . موجودیت
اسلامیه نک علیه تریب ایدیلن سره قصدلرک قارشیشند . تویلرک
اورپر مه سی قالمی در ؟

وقتیله آسترالیا اهالیسک قسم اعظمی بوقائل کتوللرک زهرلریله
محو ایدلمشدی . صوکرده عینی سلاح مسلمانلرک موجودیتلرینی ده
اورته دن قالدیرمق ایچون قوللانیلمغه باشلادی .

فی الواقع بتون اسلام مملکتلرینی باشدن بانه کزه جک اولورسوق
خرسیتیانلرک اسلامیت علیه بوسلاح ملعونی نقدر بیوک بر موفقیتله
قوللاندقلرینی کورورز . فضیلت اخلاقیه دن بشقه برشی اولمیان دین
مبین اسلامک مسلمانلرک قیلرینه اکدیکی تخم فضیلتک فصل
تدریجی برصورتده تباه اولدیغنی و اوفضائل عالییه نک یرینه فصل بر
طاقم احتیاسات سافله نک قائم اولدیغنی مشاهد ایدرز .

مسلمانلرک تصفیة اخلاقی استقبال اسلام نقطه نظرندن اک مهم
برشیدر . بوایه مدنیت خرسیتیانیه نک موجودیت اسلامیه علمنده
قوللاندیغنی مدهش سلاحک سمومنی عقیم براقق ایله قابل اولور .
بدیهیدرکه مدنیت خرسیتیانیه نک بوزهرلی سلاحي محو ایدیلرسه
غربک شرق اوزرنده کی تسلطیه برلنکده محو اوله جقدر .

بوکون کال قطعیتله آکلاورز که انکلترونک حاکمیتی مسلمانلری
اخلاقسزلشدیرمق و فضائل اسلامیه دن تجرید ایتک اساسلری اوزرینه
قائمدر . شهسز اخلاق ترصین ایدیلر و فضائل اسلامیه مسلمانلرک
روحنده هیچ صارصلمیه جق برصورتده تمللشیرسه انکلترونه حاکمیتی ده
اومدنیت سفیله ایله برابر افول ایده جکدر .

غربک شرق اوزرینه تسلطی مادی بر قوتک محصولی دهکل ،
بالعکس بزده کی معنوی ضمهک نتیجاسیدر . معنویاغزی تقویه ایتدیکمز
نقدیرده اسارتدن ، اضمحللادن ، حیوانلقدن قورتولاجمگز آشکاردر .
له الحمد بوکون بو حقیقت فعلاً آکلاشلمش در . مسلمانلر اسلامیتک
ابدی زندکیسیله مجهز اوله رق بومعنوی ضعفدن قورتولق ایچون

جهاد اقدسه آیلمشلردر . بک یاقین روقنده اوغبر منطق ، غیرطبیعی
حاکمیتک تارمار اولدیغنی و مسلمانلرک شمس سعادتق اسکی رونق
وششمعه سیله مسلمانلری ربکستان تدنی و اضمحللادن قورتاردق حیات
فاضله ساحلرینه ایشیدیردیکنی کورده جکدر . شهسز بونک قدر
معقول برشی بوقدر . جبان ، مسکنت ، اسیرلک روح اسلامه
قطعیاً سیغماز . وایشته بوکون اوروح ، اعجاز کار ودهشتلی قوتیه
بتون او بارکران خسراقی آرقسندن آتمیه عزم ایدیور .
دارالخلافه نک عالم اسلامه بوسفورکی شانلی و نورلی رهبرلکی تاریخک
قید ایدجکی اک معظم خارقه لرنددر . چونکه مسلمانلق بوسایه ده
تام انکلتز محورینت دیدیکی کی - « حیوانلشمق و سرسربلشمکدن »
و ده صوکرده خسراکه کومولمکدن قورتوله جق در . قطعی اوله رق
سویله یلیرم که انکلترونه حیاتک صوک کونلرنده بولونیور و مسلمانلق
اک مدهش خصم جانندن یاقه سنی قورتاریور .

یاشاسون خلافت معظمه ، یاشاسون ملت اسلام .

محررین مصریه دن

عمر رضا

افغانستان بوکونکی مرتبه یه ناصل یوکسلدی

شو کونلرنده مطبوعات عثمانیه افغانستاندن صیقجه بحث ایتک
باشلادیغنی ایچون سبیل الرشادک محترم قارئلرینه بوملکمتک بر آرمایسی ایله
حال حاضرندن و اوحالی احضار ایدن اسباب و عواملندن صورت
مختصرده بحث ایتک ایسته یورم :

افغانستان حکومتک ، بزم کی ، بارلاق ، محشم برماضیسی بوقدر .
مره برکشمه مالک دکلدر . چونکه : یدی ، سکز قادر حکمداردن
اول . بعض امیرلر تحت اداره سنده بولونیوردی . بونلر افغانستانک
امور داخیه و خارجه سنی اصلاح ایده مدهکاری کی مملکتی ده اعمار
ایده مدهیلر . بک جوق دکلایلر و جوغنک سوزلری بیله بکمز دی .
چونکه اوزمان افغانستانده دره بکلر بوتون دهشت وشدته
حکمفرما ایدی : بر جوق متغلبه کروهی ، افغانستانک هر طرفنده
حکم سورور ؛ اهالی یه ظلم و غدر ایدیوردی .

بوکی بر جوق سبیلر و عاملرله افغان ماضیسی ، افغان رفاهی آیاقلر
آلته آلمشیدی . واقعا افغانستانده بعض بیوک حکومتلرده آشکل
ایتمش ، بر جوق سنه لر حکمران اولدقدن صکره مضمحل و منقرض اولمشدر .
از جمله جهانگیر (تیمور خا) سنه لرجه افغانستانده حکم سوردی ؛
کوک اونک ، کک بر قاج اوغلنک زمان سلطنتلرنده افغانستان
جوق بیومش و قوتی بر حکومت اولمشدی . فقط بوتون بوعظمت ،
بوسطوت بک چابوق ختام بولدی . حکم و نفوذ یه دره بکلرینه بکدی .
نارنجک داها اسکی صحیفه لرینی قاریشیدر جق اولورسوق بعض مکین
حکومتلرک ؛ عادل ، مدبر حکمدارلرکده افغانستانده اجرای سلطنت

ایله دکاری کورورز . مثلاً : غزنویلر . بونلرک بویوک بر حکمداری اولان (سلطان محمود غزنوی) ..

فقط بوکون عثمانلی حکومتک ماضیسی دبه اوغوز خاکی تشکیل ایتدیکی حکومتی ناصل کویستزه سزهک غزنویلری ده حال حاضرده کی افغانستان حکومتک ماضیسی عامللرندن اوله رق اوله حه تلقی و قبول ایدمه یز .

ایشته فخر و مباهاته لایق بر ماضی کورمه دیکی ایچون افغانستان حکومتی ، هیچ اولمازسه بوندن سوکره کله جک نسله مصلطان بر ماضی برافق ایسته یور و بومقصد اوغورند ، چالیشمقدن هیچ کری دورما یور . بک چوق دکل ، بلکه بکرمی بش سینه اول اورمانلرله ، دیکنلرله ، یابانی آغاچلرله محاط اولان افغان مملکتی ، بوکون منتظم شوسه لره ، کوزل باغچه لره ، مزروع تارالره ، محشم فابریقه باجه لرینه مالک بولونیور . داها اوتوز ، قرق سینه اول مخبرات تانارلر واسطه سیله جریان ایدرکن بوکون بوتون مخبرات تلفونله ، تلسز تلغرافله وقوع بولویور . بلکه داها دون فیللرله ، دمه ولرله ، بیکیرلرله اجرا ایدیلن نفلیات بوکون افغانستانک کندی فابریقه لرنده یادیردینی اوتوموبیللرله اولویور .

ماضییه طوغری براییک آدیم یورورسهک بوفکر تعالی بی افغانیلره الهام ایدن نه کی سیدلر اولدیفی کورورز :

۱۲۹۳ سنه سندن سوکره افغانستان (امیر شیر علی خان) حضرت تلیرنک تحت اداره سنده بولونیوردی . وبوصره لرده انکلتزه افغانستانه اعلان حرب ایتشدی . بونک اوزرینه امیر شیر علی خان امارتی بویوک اوغلی یعقوب خانه ترک ایدرهک کیتدی واوراده وفات ایتدی . امیر جدید (یعقوب خان) ده هنوز حبسدن چیقاریلدیفی ایچون اداره حکومتدن آکلامیوردی . بوسیله افغانستان عادتاً صاحب سز بولونیوردی . انکلیز اوردولری ایلریلیه رک کابل وقندهاری ضبط ایتدیلر . هر طرفه اهالی قیام ایتدی و نتیجه سنده انکلیزلر (یعقوب خان) ی امیر برافق ، وکابله (کزی) اسمنده برسفر بولوندیرمق شرطیه مصالحه یایدیلر .

افغانستان بومرج و مرج ایچریسنده ایکن افغان عسکرلری بر چوق آیلقلرینی آلامشیلردی . مترکم معاشاتی آلق ایچون مالیه نظارتیه مراجعت ایتدکاری وقت مالیه ناظری عسکره خطاباً : « کیدیکز ؛ انکلیز سفیرندن ایسته ییکز ا » دیدی . عسکرلر کیدوب انکلیز سفارتخانه سنی قورشونه طوتدیلر . امیر بو حالی ایشیدنجه درحال وکلادن (خدا نظر خان) اسمنده بریسی عسکره « سفیرک اولدیریلیه رک سالماً سرایه کتیرلهمسی » تنیه ایچون کوندردی . لکن (نظر خان) عسکره : « امیریکز سفارتخانه ک یا قیلما سنی امر ایتدی » دبه تبلیغ ایتدی . عسکرلر بونی دویجه درحال سفارتخانه بی یایدیلر . سفیر تلف اولدی . بواننده انکلیز اوردوسی افغانستاندن تمایله چیقماش ،

(جلال آباد) ده بولونیوردی . بوقا جمعی طویجه درحال کری به دوندرك کابل ضبط و یعقوب خانی اسیر ایتدیلر . بوصره قندهارده بولونان کیتلی انکلیز قوتی ده کابله کتیرمک ایسته ودرلردی . اوزمان بلخ والیسی اولان یعقوب خانک کوچوک برادری ایوب خان ، معیتده کی عسکرله انکلیز اردوسی محاصره ، محو وپریشان ایتدی . بیده کابل اهالیسی ده سلاحه صاریلهرق انکلیز عسکرینه هجوم ودرت طرفدن محاصره ایتدیلر .

تمام بوصره لرده ایدی که : اون یدی سنه روسیه ممالککنده اوطورمش اولان شهزاده عبدالرحمن خان بلخه کلدی . اورادکی عساکر افغانیه کندیسنه بیعت ایتدیلر واونی امیر نصب ایتدیلر . انکلیزلر کابله سوکدرجه مضایقه به گرفتار اولدیفندن امیر عبدالرحمن خان حضرت تلیرنه برهیئت کوندروه رک کندیلریک محاصره دن تخلیصیه معاهده و مصالحه عقدی طلب ایلهدیلر . امیر مشارالیه حضرت تلی ده غایت آغیر شرطلری انکلیزلره قبول ایتدیره رک محاصره بی رفع ایتدی . وانکلیز اوردوسی حدود خارجه یوللادی . عبدالرحمن خان حضرت تلیرنک نه قدر تجدد پرور بر ذات ستوده صفات اولدیفنی کچنکی مقاله مزده ، بر آرز ، - ویله مشدک . اوندن سوکره حبیب الله خان کلدی و افغان ملی ایله برلکده چالیشدی .

ایشته اوندن سوکره : « روسیه وانکلتزه حکومتلرندن افغانستانک هیچ برکونا قورقوسی یوقدر [۱] دبه جک بلند بر مرتبه به صعود ایتدی . خلاصه کلام هر طرفه و هر کس یاشامق ایچون یکدیگری محو ایتک چاره لرینه توسل ایتدیکی شو زمانده افغانستان ده چالیشهرق حیات قازانقی ایسته یور . وار شاء الله الرحمن قازانه جقدر .

[۱] سراج الاخبار افغانیه دن

افغانی زاده

مسلمانلک حیات و محات کونلری اولان بویله بحرانی بر زمانده هرکس مادی ، معنوی بوتون مساعیسی دشمنلره قارشو آجیلان جهاد اکبره حصر ایتک ایجاب ایلر ایکن ، « اسلام مجموعه سی » نک برطاقم مسائل مهمه شرعیه بی پارماغنه دولامسی و بوسیله ایله سیدل الرشاد وارکان تحریریه نه استخفافکارانه تعریضاتده بولونمسی جداً شایان تأسقدر . حسب الحیه شیمدیلک اختیار سکوتی اولی کورورز . چونکه مناقشه دورنده دکل ، مجاهده زماننده یز . انشاء الله صرسی کلیر کلز بوجهاددن او جهاده کچرز .